



## **NORMATIVA E BASES DOS PREMIOS DE COMUNICACIONES O CONGRESO ANUAL DA SOCIEDADE, BOLSAS DE ESTANCIAS FORMATIVAS, BECAS DE INSCRIPCION A CONGRESOS E BOLSAS DE INVESTIGACIÓN DA SOCIEDADE GALEGA DE XERONTOLOXÍA E XERIATRÍA (SGXX).**

*A Xunta Directiva da SGXX, de acordo cos Estatutos e actividades previas da Sociedade, e para maior información e obxectividade, aprobou as Normas e contías das Becas, Axudas e Premios Anuais que a continuación se refiren.*

### **D. Bolsas de Investigación**

Destínanse a Bolsas de Investigación a cantidade máxima de 3.000 euros. Non haberá un número determinado de Bolsas, senón que se repartirán entre aqueles Proxectos de Investigación presentados que a Comisión Permanente da Xunta Directiva considere de suficiente calidade.

#### *Bases da convocatoria de Bolsas de investigación:*

1. Requisitos. O/a solicitante deberá ser membro da Sociedade cunha antigüidade mínima de dous anos dende a aprobación pola Asemblea de Socios/as, e ter pagas as cotas que correspondan.
2. Obxectivos. As ditas Bolsas concederanse para a realización de traballos de investigación inéditos, relacionados directamente coa Xerontoloxía e a Xeriatria.
3. Condicións. O/a investigador/a principal deberá acreditar experiencia no tema a investigar ou na liña de investigación proposta.
4. Memoria. O/A Autor/a debe enviar 3 copias completas xunto co orixinal da Memoria de Investigación. A Xunta Directiva poderá solicitar os datos ou informes complementarios que considere precisos para mellor resolver. A Memoria deberá elaborarse da seguinte maneira:
  - 4.1. Páxina do Título: deberá conter os apartados de a) O Título; b) Apelidos e Nome do/a solicitante; c) Titulación académica máis alta e relación de membros do equipo investigador; d) Nome do Centro, Departamento/s ou Institución/es os que se adscribirá/n o traballo.e) Nome e Apelidos e Titulación do resto do Equipo de Investigación, no seu caso.
  - 4.2. Introducción: Xustificará o interese do tema e o estado actual da cuestión.



4.3. Obxectivos/Preguntas de investigación: Deberán estar enunciados con claridade e concreción. Deben ser realistas (realizables no prazo que se propón e cos medios dos que se dispón) e avaliados mediante instrumentos de medición validados.

4.4. A Metodoloxía incluirá: a) Número e criterios seguidos a hora de seleccionar os suxeitos, observacionais ou experimentais; b) Idade, sexo e outras características importantes; c) Instrumentos de avaliación e metodoloxía de análise; d) Dificultades previsibles para a execución do estudo e como pensa superalas; e) Relación detallada de gastos aos que se destina a axuda solicitada; f) Cronograma: Calendario de execución das fases do estudo.

5. Memoria Final. Unha vez rematado o período de investigación, en un prazo máximo de dous meses, O/a Bolseiro/a deberá enviar unha **Memoria final** de resultados do traballo realizado. A non presentación de dita memoria excluírá a entrega da cantidade correspondente, obrigará ó Socio/a a reintegrar a cantidade do 50% adiantada e condicionará a adxudicación de futuras bolsas da SGXX.
6. Dereitos de Publicación. A SGXX resérvase o dereito da publicación ou difusión dos traballos que reciban axudas económicas da mesma, a aceptación da Beca implica a cesión dos dereitos que correspondan o autor, que terá que ser citado en tódalas publicacións que se realicen. Así mesmo, o/a autor/a poderá difundir o seu traballo por calquera medio, sendo obrigado a mención expresa á SGXX, e a autorización previa da Sociedade.
7. Lugar e prazo de presentación. As solicitudes das Bolsas deben presentarse na Secretaría Administrativa da SGXX antes do 25 de Outubro do ano en curso. A Resolución darase a coñecer no Congreso anual da SGXX.
8. Forma de pago. O importe será abonado en 2 prazos, o primeiro no intre da concesión da Bolsa e o restante coa presentación da Memoria final.

As Becas, Bolsas e Premios están sometidos ás retencións tributarias legalmente establecidas.



Os/as persoas membros da Xunta Directiva da Sociedade ou dos Comités Científico ou Organizador do Congreso anual non poderán optar a Becas, Bolsas ou Premios da Sociedade, incluso non figurando como primeiros/as autores/as.

**Xunta Directiva da SGXX**